



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Annvs Diervm Memorabilivm Societatis Iesv. Sive  
Commentarius quotidianae virtutis, notabilem vnius, vel  
plurium in Societate vitâ functorum, virtute quapiam  
insignium memoriam in menses diesque ...**

**Nádasi, János**

**Antverpiae, 1665**

XI. Die Decembris.

**urn:nbn:de:hbz:466:1-9625**

*Confessio.*

minus peritus rerum quam assiduus, illud ei rarum certè contigit. Quendam vindictæ grauis immodicè retinentem, absoluere detrectârat, & in expiatum dimiserat cum necdum benè subactus esset, paratusque ad accipiendam veniam, corde furenter accenso. Hunc sub noctis ferè mediæ tempus adiit P. Assensij formâ personatus dæmon pater mendacij; & pulsatâ turbidè portâ cum se P. Assensium esse mentiretur, admissus, viro illi dixit se religione perpulsum adesse: non citra iniuriam se illi negasse absolutionem, quo circa se illi nunc eam imperituri; ageret, ac diuinæ mensæ tutus accumberet. Tu enim, aiebat dæmon, tu es qui ab hoste illo tuo es læsus: habes cur vindictam de illo expetas. Ita petitâ, quod ad eò seuerè cum illo egisset, veniâ, discessit. Sed alter ille sagacior id quod erat suspicatus, benè manè ad P. Assensium adiit, & veteratoris insidias ei exposuit; ac ritè peccata confessus, id egit quod verus P. Assensus suadebat, non verò quod eum præcipitare moliebatur dæmon Assensij vultu ac nomine personatus, cui charitas nostra odio est, & odia sunt amori.

*Dæmon. insidias.*

P. MARTINVS  
XAVERIVS.

Hinc in manu scripta à P. Nicolao del Techo Paraquariæ historia (parte 1. cap. 23.) reperio. Ait ille, Nicolaum se post mortem præbuisse spectandum quasi Indos catechesi erudiret; Iosepho Cataldino visum adesse amouisseque periculum quo à barbaris cingebatur; alteri socio, ob solitudinem, & cætera Apostolicæ vitæ incommoda mæsto, in veste splendida apparuisse, monuisseque vt animo erecto esset, eos qui constanter laborarent, talem qualem oculis conspiceret gloriam adepturos. Fuit Martinus clarissimæ in Nauarra, & S. Xauerium sanguine attingentis familia hæres vnicus. Inuitâ Matre Societatem amplexus, annum trium millium aureorum censum dimisit: & Paraquariam impetrauit. Ibi Guairanis operam & fidelem, & laboriosam præstitit insigni linguæ peritiâ, magnis ac arduis itineribus exantlatis. Peste infectis ministrantem oppressit morbus, & mors, cum se incruentâ morte mori doleret. Aiebat moriens; nihil se vnquam, nisi ex obedientiæ sanctæ nutu fecisse. Aiunt etiam ab omni grauiore noxâ semper fuisse immunem.

*Hispanus in Paraquaria tempore incerto.*

*Charitas.*

*Charitas.*

*Obed.*

XI. DIE DECEMBRIS.

LVDOVICVS  
VICECOMES.

*11. Decemb  
Italus Mediolani.  
161; 2tat.  
10. Soc. 4.*

**N**obilissimâ domo natus, notatus nonnunquam est, tum adhuc paruulus, clam se verberare flagello. Postea diuino instinctu ad So-

cietatem vocari se sensit, sed cum differret, sensim elanguit; vsque dum anno 1607. nocte vigiliæ natiuitatis Christi, se minaciter argui sensit quod ingratus esset; inferni quoque tormentis menti viuudum quendam in modum ita obiectis, vt expergefactus à somno, pudore ac tremore plenus è lectulo

*Vocatio.*

R R r 3.

lectulo

lectulo exilierit, veniam surditatis suae petierit, morem Deo vocanti gerere constituerit, ac nullam moram interpositam generalem de vita vniuersa exomologesim peregerit. Moram illi tamen iniicit caro & sanguis; quam ipsam sapienter atque constanter superauit, & anno 1608. 16. Aprilis Societatem tandem impetrauit, & inuit, desiderio tanto accensus, ut ad eius qui religiofas vestes ei afferrebat se pedes abiecerit, ut illos exosculatus gratias ei ageret pro *vestimentis salutis*. Illud vero longe molestissimum & admirabile visum est Ludouico quod cum fetoto spiritu exultare gauderet, tamen nocte illam quam felix induenda sacrae vestis dies sequebatur, coniuratus in optimi adolescentis salutem cum carne daemone erubescendis ignibus illum accenderit quasi totum eius sanguinem immundus genius immunda suggerens occupasset. At ille quam erat & erga Deum, & erga Magistrum suum fiduciam, se de lectulo proripuit, & ad Magistri Nouitiorum cubiculum adiit, atque consueto signo edito admitti petiit & impetrauit. Vbi posteaquam id quod erat verecunde simul candidèque narrauit, paucis verbis plurimum seuamenti accepit, voto etiam castitatis, eius permissu, concepto, perpetuone an vero ad tempus tantum, incertum. Illud certum est, affirmasse Ludouicum, se admirabili suauissimae castissimaeque voluptatis rore tunc fuisse perfusum, restinctis etiam ultimis quibusque turpis illius flammæ scintillis. Ita postridie veste Societatis amictus, pane Angelorum refectus, & in sacrum tyronum ephesium relatus est. In quo lingua illi eucharis, & cauta semper ne quid vllam suae laudis parte aspersum efferreret. In ascetico anni 1609. secessu flagrantissimo desiderio accensus est ut pereret Coadiutorum officii numeroque adscribi,

arque in Marthae sorte vitam degere in Societate. id quod licet non impetrarit, persepe tamen cum singulari gaudij significatione infima quaeque munia obibat, etiam tyrocinio iam peracto. Con sanguineis nunquam volebat scribere, nisi ter prius consulisset Deum, & Superiores semel. Praeter pias chartas, coronam, & officium B. V. nihil habere volebat. Vesperi post examen benedictionem Dei Matris implorabat supplex quotidie coram illius imagine: seque illi in lectulo commendabat consueta illa formula: *O Domina mea, S. Maria, me in tuam benedictam fidem &c.* Sabbato gratias Deo per illam agebat pro beneficiis per illam, illam hebdomadam, & per omnem vitam, acceptis; & conceptam prolixam se illi dedicandi formulam bis, quotannis 25. Martij, & 15. Augusti instaurabat; petebatque singularem erga illam tenerumque amorem pro se, ac pro Societate vniuersa. Ad caelestem mensam se praeparabat oratione, ieiunio, disciplina. Humilitatem amabat vnicè. Aiebat ita se Deo valde gratum fore: & B. Aloysium rogabat, ut ipse apud humillimam caeli Reginam pro illo hac virtute instruendo satageret. Valdè se incitari aiebat ad illam illis Bullae verbis: *Requirat hoc institutum homines vere humiles in Christo.* Optabat habere catalogum eorum qui in odium fidei caesi sunt è Societate: ac illorum dies insigni ardore colebat, vitis quoque illorum lectis, & adiecta quot hebdomadis aliquam corporis afflictatione.

Magno flagrabat desiderio Deo excellenti quadam ratione ita seruiendi, prout ille id agendum conceperat. Vnde cum id per morbum quosensim atterebatur, minus posset, more languere. Cumque à suo in Philosophia Magistro causam doloris explicare iuberetur, in tenerissimas lachrymas

Humilit.

Castitas.

Humilit.

Paupertas.

B. V.

Eucharist.

Humilit.

chrymas vbertim erupit, ac dixit: Quia per adeò afflictas corporis vires Deo seruire non possum ita vt desidero, atque vti ei seruiendum esse mente concipio!

In morbo extremo pietas tenerior, patientia solidior, & quicquid in infirmis desiderari potest in Ludouico emicuit. Votorum formulam suâ manu descriptam ritè pronunciauit prius quam extremo viatico muniretur, & illam lectulo appendi iussit. Cum ægrius oleo vngeretur, Crucifixum complexus eam quâ vngebatur corporis partem osculabatur in Christo, id est, oculos, aures, os, manus, pedes, latus; idque tanto animi æstu, ac si verè animam in illa vulnera immigrantem expiraret.

Anniuersariâ post Ludouici mortem nocte Posnaniâ in Polonia (quò missus erat Pater Ludouici in Philosophia Professor) eidem per quietem apparuit cultu splendido, & vultu sereno, eumque lucido quodam & ad diuina experrecto gaudio plenum reliquit.

### P. CONSALVVS GOMIVS.

Hispanus  
Carauacæ  
incerto die.  
anno 1581.  
Societ 19.

Mortific.

Hebdomada.

Charitas.

Cum Caruacensi Collegio præcesset, ægro licet morbis corpuscule non parcebat. Partitè hebdomadam distribuere, ita vt quotidie suum corpori afflictatione aliquâ demensum daret, plura facturus nisi valetudo prostrata vetuisset. Duos dies præstitutos habebat quibus se verberaret; duos quibus cilicio indueretur; duas noctes, quibus vestitus cubaret in scamno; duas quibus non nisi cilicio lectulo vreretur. Suâ inedia pauperibus opitulabatur. Vnde alij quoque Rectoris exemplo atque permissu egentibus dabant quibus suum ge-

nium ipsi fraudarant Iaculatoriis precibus adeò assueuerat, vt consilij aliquid daturus petenti cuiquam non prius responderet, quàm mente in cælum sublata decies SS. IESV & MARIÆ nomina implorasset, id quod factitabat etiam cum se ad officium canonicum persoluendum accingeret. Præter orationem quæ voce depromitur, orabat mente per horas omninò quatuor: & concepta istic lumina, simulque omnes conscientie suæ rationes accuratè notabat. Pro morte quam ea anno se oppetiturum à fœmina pietate illustri audierat, omnem apparationem conscripserat quid sibi legi veller. Plura de illo Societatis historia.

Oratio.  
Iesus Maria.

Iaculati.

Mors.

### BARTHOLOMÆVS WAGNER COAD.

In hoc eas virtutes laudat Græcense Collegium quæ Coadiutorem Societatis commendare solent; candorem, simplicitatem religiosam, pietatem in sartoris officio istic totos 37. annos administrato: charitatem quæ ille omnes, & omnes illū complectebantur. Cum velocem præuideret sui tabernaculi depositionem, præclaro diuinæ Eucharistiæ cultu se ad mortem parabat quotidie. nullum enim diem prætermittere quin præstitutâ horâ coram SS. Sacramento simplex de genibus diutius precaretur, constanti pietate quotidiano more firmatâ vsque ad mortem ob eximiam religiosi exempli pietatem charus erat vnicè ipsi etiam Serenissimæ Mariæ Archiducum: idcirco pro mortuo suo Bartholomæo illa ad Altare, quod priuilegiatum vocant, 30. sacrificia suare curauit.

Germanus  
Græcij 12.  
Dec. 1607.  
ætat 69.  
Societ 40.

Euchar.

Mors.

Præparatio  
ad mortem.

P. IACO.

## I A C O B V S

DE PAISTRE NOVIT.

Belga Mechliniæ. 71.  
Decembris  
1620. ætat.  
50. Soc. 1.

**B**ellioli præclarè Curati partes egit, Beximio planè studio animarum. Aiunt illum peditem nocte intempe- stâ ad aliquot passuum millia excur- risse, ut illos quæreret, inuaretque, qui erant de peste suspecti item è suâ Pa- rochiâ finibus familias hereticas pluf-

quàm 70. exegisse; ut nè grex reli- quus scædam scabiem traheret ab hæ- retica illa peste. Idcirco illo vehemen- ter adnitente Societati istuc aditus est apertus, & Collegium à magistratu fundatum. Societatem vix erat am- plexus cum sexto tyrociniij mense in- ter excelsa planè humilitatis, & soli- dâ, ac teneræ in B.V. & cælitè pietatis documenta felicem animam æ- ternitati transcripsit.

Charita.  
Fides.

## XII DIE DECEMBRIS.

## P. FRANCISCVS

FABRICIVS.

12. Decemb.  
Belga Sul-  
dæ. 1597.  
ætat. 46.  
Charita.

**G**loriosæ apud peste laborantes spartæ immortuus est post labo- res longe pulcherrimos. Ibat quacun- que diei vel noctis horâ vo- cabatur promptus & expeditus. Illud heroicæ charitatis fuit facinus, quòd etiam inter dirâ tabe corruptorum eadavera medius, ægrotum, & mo- rientium peccata exceperit charitatis vileniente horren- di spectaculi dirita- tem.

ter laboravit, Apostoli nomine hono- ratus, ac vnicè amatus ab omnibus Salsetanis.

## P. EMMANVEL

MARTINEZ.

12. Decemb.  
Belga Sul-  
dæ. 1597.  
ætat. 46.  
Charita.

**T**antâ religiosæ, atque ad minima quæque attentæ conscientiæ ac- curatione, tantâ sui demissione cum Hispanis ac Indis in Philippinis insu- lis versabatur, ut communi apud om- nes elogio Sanctitatis nomine cele- braretur. Mira in illo vitæ innocen- tia, & suauissimæ de cælo inter oran- dum deliciæ, quas inter illud cælestis fauoris pernobile documentum fuisse perhibetur, quòd (ut de illo testes sunt annuæ Philippinæ) Christi humanita- tem clarè viderit aliquando. Nempe virgineos illius oculos hoc præmio voluit Deus etiam in hac vita hono- rare.

Diuini officij preces animo mirum in modum attento exequatur. Ai- unt qui rem cum admiratione videre, Breviarium eius, seu librum Ecclesias- ticarum precum, aliquando in mare delapsum fuisse, id quod cum Emma- nueli

Hispanus  
in Philippi-  
nis. 12. Dec.  
1626. ætat.  
67.

Christus.

Oratio.

## P. THOMAS

STEPH. BYBSTEN.

Anglus Gog-  
iucerto die  
æc mense.  
1619. ætat.  
70. Soc. 44.

**R**omæ post Philosophiæ curricu- lum studèdo confectum per quietem domicilium quoddam vidit, ad procuracionem illius inuitatus. Indias impetratas ut adiit; conspecto Socie- tatis domicilio Salsetano, agnouit il- lud ipsum esse quod olim sibi dor- mienti oblatum fuisse meminerat, il- lud ipse postea rexit quinquennio, & in illa vinea per ipsos 40. annos nau-

Somnium.  
Fides.